



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Всіх читателєй, котры не вплатили ище пренумераты, просиме выровнати якнайскорше рахунки.

Пренумераты в чужої:  
30 грошей місячно,  
80 „ квартално  
1.50 „ полрочно,  
3 зл. рочно.  
В Америкы: 1 дол. рочно.  
В Чехословакии:  
2 кор. місячно, 10 кор. полрочно,  
20 кор. рочно.  
Ціны оголошень:  
Ціла сторона 120 зл., 1/2 сто-  
роны 60 зл., 1/4 стороны 35 зл.,  
1/8 стор. 20 зл., 1/16 стор. 10 зл.;  
оголошення малы за 1 мм. 20 гр.,  
в тексті 30 гр., перед текстом  
40 гр. При місячном и долшом  
оголошеню значна знижка.  
Кonto чекове Нр. 404.155.

## Помагайме учачой ся молодежи!

О том, же каждому народови єст потребна трудова интеллигенция, писали мы уж нераз в газеті. Зрештом знают о том всі и справа тот не потребує пояснєнь.

Зрозуміли тото и наши селяне, котры отрясли ся с повоєнной апатии и выказуют штотаз большу активност в каждой области культурального и экономичного житя. Спостерегат ся также миле явленє, што люды набирают знова віры в науку и посилают свои діти до школы. Коли перед пару літами Руска Бурса в Горлицах мала всього лем килькох воспитанников, то в прошлом року было их уж понад 80, а в том року Бурса буде переполнена.

Явленє тото, с одной стороны барз радостне, наводит с другой стороны поважны мысли, же треба старати ся доконче о того, штобы дати зарядови бурсы возможность: 1) прокормити находячу ся в Бурсі молодеж, 2) собрати потребны фонды на поширенє поміщеня бурсы, котре уж в том році оказує ся за тісне. (Кромі господарчих комнат, може бурса помістити всего 40 учеников).

Каждый с нас знає, же бурса приимат учеников по барз низких цінах и за тоты гроши, якы платят родичи за своих сынов, не можна их прокормити и дати им потребный присмотр и опеку. Недостаток тот покрыват бурса с жертв в грошах и в провизантах. В прошлом році пришли с помочом села, котры зарядили меже собом сбор провизантов и дерева и отставляли их до бурсы. В том воці мусиме зроби́ти тото само. Слава Богу вроды сут назагал добры и єст чим прокормити ся самым и на Боже дати. Дайме-ж прото „на Боже“, але всі, килько кто може. Памятайме, же то не для бурсы даєме, лем для себе самого, бо бурса с тых жертв выховат нашу учачу ся молодеж, котра по окончєню школ увеличит число трудовой интеллигенции и буде вести перед в культуральной и экономичной ро-

боті нашего села. Кромі того, єсли даст ся дашто ошадити, то бурса оберне заощаджены гроши на поширенє поміщеня, штобы мати возможность помістити всіх, котры голосят ся и хотят учити ся.

Важна єст также справа открыта отділа бурсы в Кракові. В Горлицах єст мало школ и тому бурса выполнят свою задачу лем относительно тых дітей, котры ходят до гимназии. А нам треба также добрых ремесельников и купцов и мы мусиме подбати о того, штобы якнайбольше число нашей молодежи кончило именно фаховы школы. Школы гагы сут в Кракові и тому єст там потребна бурса, котра дала бы опеку учачой ся там молодежи. Дойти до ней можеме через оподаткованє и жертвы. Жертвы на тоту ціль не повинен никто жалити, бо иде она для общего добра и принесє користи цілому народови.

## В Москві розстріляно 16-ох передовых большевиков.

В минувшом тыждні газеты цілого світа интересовали ся живо процесом в Москві против Зиновієву, Каменєву и 14-ом другим видным большевицкым діятелям, оскарженым о терорыстычну діяльність против пануючим верхам державы и о приготовлянє атентата на Сталина, Ворошилова и других володарей теперешной России.

Процес тот выкликвал велике заинтересованє тым, же всі оскаржены не лем признавали ся до зашмаряных им злодійств, але также осудили свою діяльність, яко подлу и несправедливу. При читаню перебіга процесса мимо волі приходило єя до

пересвідченя, же або оскаржены хотят своим покаянєм заслужити собі мягчий вымір кары, або, же правительство совітске подає світу неправдивы протоколы, штобы оправдати свой тяжкый засуд.

По парудневной росправі всіх 16-ох засуджено на кару смерти и вырок выконано.

Єст то лем початок, бо як доносят газеты сейчас по том засуді арестовано в Москві, Ленинграді и других містах России новых 7.000 людей.

Процес Зиновієва и екзекуцию тых 16-ох называют англицкы газеты лем „кырвавом трагикомедиом“, а властива трагедия отбуде ся в будучности.

### Арестовано брата Сталина.

С Москвы доносят о аресті стрычного брата Сталина, Димитрия Джигашвили (правдиве назвиско Сталина) літ 54, котрого оскаржено о охоту и стремленє до оторваня Грузии от Совітов.

Так процес и екзекуция, як и новы аресты, держат населенє России в сильной горячці. На улицах, в фабрыках и трамваях говорит ся лем о выроку. Але в обаві перед шпицлями люды не выповідают своего суду. Процес тот наберат однак значєня политычного. Выбила година рішительной борбы с так званом „лвом оппозициом.

Ликвидация оппозиции означат цілковите выелиминованє жидовского элементу с партии. На 16-ох засудженых єст лем 4-ох не жидовской национальности.

Тепер в Москві никто не єст певный своего житя. Положенє совсем таке, як за революции, в часі „ночей краснаго терора“.

„Карюча рука пролетарията“ бывший професор универсытета, тепер генеральный прокуратор Вышинский має много работы. Комисар внутренних діл Ягода отдал до распорядимости прокуратора Вышинского славных 9 агентов Г. П. У. котры переводят ревизии и аресты.

Вязнича зелєна каретка стала ся постра-



хон Москвы. Лубянка єст переполнена, як за давных „добрых часов“.

**В найблизшем часі новый процес.**

В найблизшем часі має ся отбыти новый процес контрреволюционерев. Тым разом буде оскаржений Рыков, бывший премьер советского правительства, побіч него Секольников-Горилант, бывший амбасадор в Лондоні, Бухарин, а также Радек-Собельсен. С меньше знаных Угланов, Пятаков и други. Бєсідує ся в Москві также о окончению карьеры Литвинова.

Незвычайно драматычны сун подробности самоубийства Михаила Томского, заслуженного большевика. Томекый покончил самоубийством при радио, єлукаючи трансмисии с судовой сали в чаєі процесєа Зиновиева в тот момент, коли Вышинекый оскаржил єго о приготавленє замаху на Сталина.

**Процєс Кузнецова и Шмидта.**

В тых днях начинат ся процес двох офицерев красной армии Кузнецова и Шмидта, оскарженых о приготавленє замаху на маршала Ворошилова.

Кузнецов был долгый час адютантом маршала Ворошилова.

Россия проживат горячи, тяжкы часы.

**Хлопы в Росии не хотят отдавати хліба.**

Німецке информацийне бюро с Одєсы доносит, же на Украині доходит до частых розрухов на почві реквизируваня хліба.

В окрузі Полтавы населєнє шмарило ся на войсковы магазыны и пришло до борбы меже роботниками, хлопами и вояками, в часі котрой убито 23-є люда. С посеред демонстрантов арестовано около 200 людей. Также в окрестности Конотопа арестовано много селян, котры не хотіли позволити зарекивати собі зерно.

Резрухы тоты роспространили ся на полночный Кавказ, на округы Курск и Саратов.

В Бєлянскі над Доном парусот роботников и селян напало на комисара красной армии, реквизирующего землеплоды и убило єго. Войсковы отділы, высланы на місце, арестовали населєнє цілых сел разом с сельским советом, а 18-єро люда, котры ставили опор, розстріляно на місци. В Зеленкоє над Дніпром дошло до драматычных сцен. В часі, коли прибыл отділ красной армии в цілі ареста населєня, не позволяющего реквизирувати хліб, пару соток людей хотіло утєчи чолнами через Дніпр. Войско, не уважаючи на жены и дітей, почало стріляти с карабинов.

В часі выкликаної тьма стрілами паникы, вывернули ся 2 чолна и 40-людей нашло смерть в глубині рікы.

**Ягода диктатором.**

„Daily Express“ приносит сенсацийну вість, же по конференци со Сталином начальник Г. П. У. Ягода одержал необмежены полномочия в области слідства и ареста каждого, не выключаячи найвысших державных, войсковых и партийных достойников, против кому будут хоцбы якнайменьши подозрєня, же принимали участь в акции, выміреной против Сталинови. Так адже Г. П. У. достает с поворотом свою давну

власть, яку має в перших дїтах революциии.

На основі тых полномочий Ягода выдал приказ арестовати чотырох советских генералов: Шмидта Шапошникова, Кузнецова и Туліне.

В Москві рососли ся погодовкы, же начальный редактор „Известий“, Бухарин, котрый от 2-ох недєль был на урляпі в Памирі, хотіл утєчи за границу, але был задержанный и арестованный.

**Вдові по Ленині грозит арест.**

В Москві кружат погодовкы, же меже Сталином и вдовом по Ленині, Крупском дошло до острого конфликта. Крупска открыто крытыкує засуд смерти в процесі Зиновєва и тов., котры были найблизшими сотрудниками єй мужа. В часі розговора Сталин мал сказати Крупской, штобы она не мішала ся до политычных справ и заявил єй, же больше не буде єй принимати у себе. Того самого дня, коли Крупска наміряла достати ся на Кремль, сторожа не впустила ю. Крупска загрозила, же заскаржит Сталина перед партийным судом.

Ареста Крупской треба сподівати ся каждой хвилі. Віротно буде она выдалена с Москвы.

**Домашна война в Испаниии не устає.**

Домашна война в Испаниии продолжат ся и ніт видов на скорє окончєнє.

Под Сан Рафаель в горах Гуадарама правительственны войска ужили по раз перший в той войні газных бомб против повстанцам.

В Картагені милициянты вывезли на двох пароходах 360 вояков и 80 морских офицерев. Всіх их потоплено.

В Каталонии милиция масами розстрілює людей подозрєлых о симпатии для повстанцов. Там повстали роботничо-вояцкы комитеты по образцу рад, якы творили коммунисты в Росии в 1917. р.

Правительственны войска, довідавши ся о том, же повстанцы розстрілюют сторонников правительства в занятом Бадаюэ, припустили сильный атак на опанованы повстанцами пункты. Вывязал ся страшный бой, найкырвавший в цілой войні. Повстанцы выдержали атак. Тысячи трупов залєгли поля под містом.

300 коммунистов потрафило достати ся на остров Майорка. Повстанцы окружили отділ и вырізали всіх коммунистов.

Войско в Малагі збунтовало ся против мадрыцкому правительству. На улицах дошло до боя меже збунтованным и вірным правительству войском.

В Арагонии вывязал ся бой о місточко Бельхите, котрый трєвал без перервы 24 годин и окончил ся побідом правительственных войск. Вырізано всіх повстанцов. Там появила ся в послідных днях холера.

Завзяты бои идут в цілой Испаниии и никто не знає, коли кончат ся. Бєсідуют, же в правительственных кругах Мадрыта появляють ся голоса за начатєм переговоров с повстанцами. Але ци тото успокоит розогнаны умы, ци верне ся жизнь тым всім несчастным, котры проляли свою кров в братоубийственной войні и ци поколіня тых жертв не захотят помстити своих погыбших предков.

**Масакра хлопів на Украині.**

Розрухы на Украині в звязи с реквизиционным акциєм трєвають дальше.

Хлопы в окрестности Черкас не хотіли выдати зерно пришедшому полкови піхоты.

Комисар красной армии, реквизирующий хліб загрозил, же в случаю отказа уничтожит хutoryы. Дано хлопам 2 години до надуманя ся. Хлопы воліли подпалити стогы, як отдати хліб войску. Пожар рознес ся скоро. В нецілу годину праві цілый правый берег Дніпра на пространстві парудєсятох кильометров станул в огни.

С трудом войско погасило пожар. Хлопы почали утєкати на лодках в долину рікы. Повідомленє о том начальство річної марынаркы в Києві выслало за нима погоню. Арматы мониторов уничтожили цілковито лодкы. Килькасот хлопів нашло смерть в воді.

Также в окрестности Канєва дошло до тяжкых конфликтов меже хлопами и войском.

**Звірята маює шєстый змысл,**

**котрый дає им возможность предсказати будучность.**

В лікарском собраню в Оксфордї порушено недавно цікаву тему. Наведено много случаев, котры свідчат о том, же звірята перевысшають под гдекотрыма взглядами людей. Маює они шєстый змысл, котрый позволяєт им предчувствовати будучность.

Особенно псы маює сильно розвинєный шєстый змысл.

Знаный английкый подорожник Сир Генры Голянд был недавно в Белюджистані. Было то в часі, коли в Белюджистані были страшны землетрясения. Раз в часі, сна збудил Голянда єго пес, котрый начал єго тягати с дому. Подорожник вышел с дому, а в том часі затрясла ся страшно земля и дол завалил ся. Если бы пес не збудил єго и не вытянул с дому, заваливший ся дом был бы убит подорожника.

Оден английкый стрілец оповідал, же мал он вірного пса, котрый на старость осліп. Лікары сказали, же пес остане уж на все сліпым. Стрілец хотіл пса застрілити, але килько раз брал револьвер, все пес утєкал от него в паничном страху и приходил до своєго пана аж втотчас, як он откладал револьвер.

Оден пес збудил свою паню в ночи и запровадил до газовой машинкы, котрой курок был недокрученый. Правда, газ выходил в невеликом количестві и не мог стати ся причиною смерти, але вірне звіря предчувствовало, же выдобывающий ся газ може быти для житя опасный.

ПОМІЩАЙТЕ  
ОГОЛОШЕНЯ  
В ГАЗЕТІ „ЛЕМКО“



## Як треба навозити грунт под озимину.

В попередних числах Лемка подали мы, як треба обробити грунт под озимину, а тепер призадумає ся над тым, які навозы запевнят нам добры вроды.

Найлучше єст сіяти озимину по коничах и стручковых рослинах, бо втотчас грунт містить в собі достаточне количество азотных кормовых складников и если знавозиме грунт фосфорными навозами, нпр. жужлями або супертомасыном, можеме надіяти ся доброй вроды.

Иначе мусиме навозити грунт, если озимину сієме на стерни, по інших зернах. В тых случаях не выстарчит дати самы жужлі, або другы навозы, містячи в собі фосфор, але треба доконче навозити грунт также и азотными навозами.

Найлучшим навозом, містячим в собі всі кормовы складники єст стаєнный гной, але под озимины не конче ся надає, бо по перше, в часі, коли сієме озимины, має мало стаєнного гною, а по друге, в том часі стаєнный гной єст суровый, мало перегнитый и тому не надає ся до навоженя. Прото при озиминах лучше оплачат ся давати штучны навозы и то такы, котры могут дати зерну оба кормовы складники, а именно азот и фосфор.

Такыма навозами сут азотняк и супертомасына, або вмісто них супертомасына азотнякова. Практика выказала, же при навоженю тыма навозами вроды часто подвоивають ся.

Азотняк треба сіяти на 2—3 дней перед засівом озимины, а погодивше прикрити земльом при помочи бороны. Надає ся он на всі грунты с выключенєм барз легких пісков, дійствує поволи, але тревало и не дає ся с грунту выполокати. Містить в собі много вапна и тому отквашат грунт. Єст в двох гатунках, яко азотняк 21-процентный в ціні 25·80 зл. за 100 кг. и азотняк 15·5-процентный в ціні по 19·60 зл. за 100 кг.

Супертомасыну — навоз містячий в собі фосфор — сієме также на 2—3 дней перед засівом озимины. Надає ся она на всі землі и має свойство отквашаня грунту. Дійствує скоро и не дає ся выполокати с грунту.

В продажи єст супертомасына также в двох гатунках, а именно 1) супертомасына высокопроцентна (30%) в ціні по 17·40 зл. за 100 кг. 2) супертомасына нормальнопроцентна (16%) в ціні по 9·28 зл. за 100 кг.

Вмісто уживати тоты два навозы, можна замінити их одним навозом, а именно супертомасыном азотняковым, містячом в собі 9% азоту и 12% фосфорного квасу. Ціна за 100 кг. того навозу выносит 20 зл. Ціны поданы выше розуміють ся при замовленях ціловагонных, платных зараз.

Для селян користнійше єст купувати навозы высокопроцентны, бо навоженє в той формі калькулює ся дешевше с увагы на то, же кошты перевоза сут такы самы; за таку саму ціну перевозит ся вагон навозу низкопроцентного, як и высокопроцентного, а низкопроцентного треба высіяти значно больше. Навозы штучны єст найлучше спроваджати с фабрыкы штучных навозов в Мосцицах. Закупом повинни заняти ся кооператывы, або заряды громад.

## Як закладати садок деревец.

Селяне оціняють штораз лучше користь, які дають сады и с каждым роком прибиват по наших селах овочевых деревец. Деревка тоты однак розвивають ся часто слабо и хворіють, бо выросли они в лучших климатичных и грунтовых условиях и перенесены на планший грунт и до острійшого климата, часто марніють.

Штобы не наражати ся на такы шкоды, найлучше єст купувати деревка от садовника маючого сад в тых самых климатичных и грунтовых условиях, або заложити собі самому малый садок овочевых деревец.

В той цілі належит начати роботу от выпродукованя отвітных дичков, котры называєме также подкладками, на котрых пак щепиме благородну отміну овочевых дерев.

Дичкы яблоней, груш, слив и черешень одержиме с сіву насіння дико роснучих овочевых дерев. Не належит брати насіння благородных овочевых дерев, бо дичкы с них выросли не будут отпорны на мороз и могут вымерзнути.

Штобы очистити насінє дерев костковых, т. є. сливки и черешні, змыват ся косточки дозрілых овочей водом и добре вымыват и по высушеню зсыпує ся очищены косточки до мішечков, котры вішат ся в продувном місци в стодолі, або шопі. Насінє грушок и яблук выберат ся с дозрілых овочей, сушит ся в продувном місци и сзыпаны в мішечкы переховує ся также в продувном місци.

В другой половині вересня, або в початках жолтня треба тото насінє пересыпати вильгым піском. Передом повинно ся насінє отчистити. В той цілі всыпує ся насінє до посуды с водом и по замішаню выплынут на верх насіння, котры высохли, або были знищены в часі попередного перехованя.

Пересыпує ся насінє в слідуочий способ: На дно деревяной скриночки сыпеме кус вильгого піску, на то — верству насіння — пак знова пісок и так — аж до конца. Скриночку накрываєме доском, штобы не достали ся до ней мыши и закупуєме до замлі на 1/2 метра глубоко, числячи от

віка скринкы. Мієце до закопаня выбераме таке, штобы не заливала єго вода.

Так перехованє насінє напучніє через зиму и с весном може быти высіяне на загоны. Сکیلчит оно уж першого року.

Грунт до высіву насіння приготавлиєме уж в осени. Перекопуєме єго и очищаєме с тревалого буряну. Навозити не треба. На весну очищат ся загоны ище раз и сіє ся на них густо насінє вымішанє с піском в жолобки, отдалены от себе о 10—15 см. В часі посухы треба сильно подливати.

Закля высіяны насіння скілчат, треба приготувити другы загоны, знавожены сильно добрым компостом, або перегнілым стаєнным гноєм. Як насіння скілчат и рослины достанут уж по одном листку, треба их розсадити на приготовленом поли (препиковати) в отступах 15x10 см.

При пикованю урываєме ногтями концы головных кореней, роснучих просто, штобы рослина выпустила ширше корені. Пикова ти мусит ся яблоні и груши, а черешні и вишні будут добре розвивати ся также без пикованя.

По пересадженю подляти сильно водом и по обсушеню землю зверха перекопати. Через ціле літо часто подливати и перекопати, штобы земля была все грудковата, а не збита. До осени дичкы розроснут ся уж сильно и в вересні, або в жолтні можна их уж выкопати и посортovati, причом можна их або задоловати на зиму, або пересадити на поле, на котром буде ся их щепити.

При сортованю звертаєме увагу, ци дичкы сут здоровы. Такы (груши и яблони), котры мають на коренях зузы, або одерты со скоры, мусят быти с садка усунены. Сортовати треба ведля долготы пнячка и кореня, або ведля грубины шейки кореньовой, то єст того місца, откаль вырастають корені.

Деревка сильны можна уж в другом році перезначити до щепленя. Деревка слабши задержуєме ище 1 рок и аж по двох літах перезначаєме до садка деревец и ублагородненя.

### Живий инвентар в Польщі.

Ведля обчислень Головного Статыстычного Уряду число домашных звірят в Польщі в послідных трох літах представят ся слідуочо:

С послідных трох літ было найбільше у нас статку в р. 1933-ом. (9 3/4 милиона штук). В 1934 р. число того упало значно, а в р. 1935 поднесло ся знова о 488 тысячей штук.

Стан коней, выносячий около 3 3/4 милиона штук не змінил ся в продолженю тых трох літ. (В р. 1935-ом поменшал ся о 2000 штук).

Свиней в ріжных часах были ріжны количества. В р. 1933-ом было у нас 3 3/4 милиона штук, в р. 1934 — 7 милионов штук, а в р. 1935 — 6 3/4 милиона штук.

Число овец выносило в р. 1933 и 1934. понад 2 1/2 милиона штук, а в р. 1935-ом поднесло ся о близко 1/4 часть милиона.

Число коз росне с каждым роком. В р. 1935-ом увеличило ся число коз о 27·8 проц. и выносит 354 тысячы коз.

### Килько іме мяса.

Тот сам Головный Статыстычный Уряд подає, килько с'ідженого мяса припадат у нас на 1-ого человека.

Ведля той статыстыкы оден человек с'ідал:

- 1) волового мяса в р. 1933 — 6·02 кг., в р. 1934 — 4·82 кг., в р. 1935 — 5·03 кг.
- 2) телятины: в р. 1933 — 1·60 кг., в р. 1934 — 1·58 кг., в р. 1935 — 1·64 кг.
- 3) баранины: в р. 1933 — 0·21 кг., в р. 1934 — 0·25 кг., в р. 1935 — 0·26 кг.
- 4) свинины: в р. 1933 — 10·46 кг., в р. 1934 — 11·95 кг., в р. 1935 — 12·29 кг.
- 5) конского мяса: в р. 1933 — 0·02 кг., в р. 1934 — 0·01 кг., в р. 1935 — кг.

Разом всего мяса в р. 1933 — 18·31 кг., в р. 1934 — 19·61 кг., в р. 1935 — 19·22 кг.

Як с той статыстыкы видно, консумция мяса в Польщі належит ище у большинства населения до недосягаемых мрій. Можна сміло повторити за дідом, котрый хвалил смак колбасы, але сам єй не іл, лем єго брат виділ, як пан іл.



## Що чути в світі.

**Париж:** Статистика втрат в домашній війні в Іспанії вказує до тепер 25.000 вдовиць і 160.000 сирот, котрі в той війні утратили мужей і отців.

**Коло Кадикса** самодет повстанців збомбардував підводну лодку правительствених військ, котра разом є залогом утонула.

**С Рыгы** доносять є новом величезном вооруженю в Сосітской Росии. Вздолж западної границы будуть совіты множество ношар, в котрых має помістити ся близько 1 миллион войска. В Ленинграді поміщено новы 4 полкы. В текучом році совітскы фабрыкы выпустили о 7200 больше самолетов, як за цілый минувший рок. Комисар войны заявил, же совітска авиация мусит быти так сильна як воздушны флоты всіх других держав. Ціль тота буде скоро осягнена. В наслідок пониженя побороваго віку до 19-ох літ, число арміи може быти увеличене о 2 миллионы вояков.

**Відень:** Регент Венгрии, адмирал Горти встрітил ся в Берхтесгаден в Австриі. Цілью конференції было обговоренє антибольшевицькой акції, до котрой має приступити также Венгрия.

**Дубровник:** Англицький король Едвард VIII, котрый отбыват свою вакаційну подорож на яхті „Наклин“ по Середземном Морі, встрітил ся на острові Корфу є греческым королем Юриєм II.

**Гибралтар:** Повстанчи летчики, бомбардуючи Малагу выкликали пожар в складах бензины и нафты. В складах находило ся понад миллион гальонов пальных материялов.

**Гибралтар:** Начальник німецькой флоты, адмирал Редер выдал німецькым кораблям, находячим ся на испанских водах, приказ, штобы стріляли в разі задержаня их через мадрытску флоту.

**Берлин:** Славный предводитель мароканских арабов, котрый свого часу возвал уж в Мароку є испанцами, Абд-ель-Крим, мал повернути до испанского Марока, штобы там серед арабов выкликати повстанє против ген. Франко и тым способом нанести удар повстанцам.

**Льондон:** Англицька газета: „Ezening News“ подає сензацийну вість, же в ночи на 26:8. Сталин выголосил по радио бесіду до красной арміи в слідуючих словах: „Товариши красной Арміи! Стоиме перед епоковима событиями. Каждая хвила може нам принести возванє, штобы вы посвятили свое жите в обороні пролетарской отчизны. Наши врагы занимают уж свои позиции, будьте-ж готовы и вы, жиючи на границах нашого великого краю. Всьо, што можна купити за гроши, што гений человека може придумати и што руки наших работников змогли сотворити — отдали мы в ваши руки для обороны и славы совітской державы!“

Пак маршал Ворошилов заявил, же положенє в Европі єст тепер грознійше, як колинибудь от 1918 р.

Тото заявленє выкликало в Льондоні велике занепокоєнє и єст уважане за альязию до сподіваного конфликта меже Берлином и Москвом.

**В Нью-Йорк** кружить поголоска, же президент Рузвельт по своих новых выборах на президента в листопаді т. р. намірял скликати мирну конференцію, на котру має запросити короля Едварда VIII., Гитлера, Муссолининого, Сталина, президента Лабрюна и представителей Японии, Кытая и других держав.

## Вісти с краю.

**В Варшаві** отбыл ся с'їзд новой проправительственной группы хлопской, названой: „Kadra działaczy organizacji chłopskiej“ утвореной гдекотрыма главарями бывшего Stronnictwa chłopskiego“ и „Wyzwolenia“. В програмной декларациі заявили основатели, же Польщі може угрожати нова война, с котрой Польша може выйти побідоносно лем втотчас, если она буде внутренно сильна. Тому всі повинни уважати за приказ совокупити всі силы народа вокруг Начального Вождя, котрым єст ген. Рыдз-Смиглы.

**Варшава:** Дня 28. т. м. ген Рыдз-Смиглы выїхал до Парижа. В часі парудневного побыта в Франциі принял он также участь в маневрах французской арміи.

**Ченстохова:** Дня 25. серпня т. р. отбыло ся открытє пленарного Сынода Польского Епископата, котрый тревал 3 дни. На Сынод приїхало загалом 56 епископов, в том числі 3-ох кардиналов, 6-ох архиепископов, 47 епископов латинских, 3-ох епископов греч. обряда, 1 епископ армянский. На сыноді присутствовал также Апостольский Администратор Демковщины.

**В повіті ново-сандецком** в селі Рожнові начато в р. 1935. величезну водну таму. В серпні т. р. кончат ся так званы работы подготовительны под властивы работы, т. є. бетон.

Будова тота продолжит ся до грудня 1938-ого р. и кошт єй вынесе 30 миллионов злотых. Робит там без перервы 1800 работников. Будову провадит велика фирма французско-польска. Тама, яку я будує, буде найбільша в Польщі. На тоту забору потреба буде 310.000 кубичных метров бетона.

Бетон буде робити на місци побудована фабрыка, до котрой машины спроваджено с Амерыкы.

Долгота запоры вынесе 550 метров, высота 32 метры, а ширина на долині 40 метров. Фундаменты закладат ся в выкопі положеном о 20 метров ниже уровня воды в Дунайци.

Повстане там велике озеро, котре буде мати 19 км. квадратных поверхні и помістит в собі 286 миллионов кубичных метров воды. Вода, находяча ся в том озері буде сужита до вытвореня електричного току. Током тым можна буде освітити цілу Галичину.

Нижє Рожнове, коло місточка Чегова мають побудовати другу рухому таму желізну, звану язем.

Такым способом забезпечит ся поля положены над Дунайцем от выливу и знищення. Недавно побудовано такую таму, лем меньшу, на ріці Солі.

**Вильно:** На Виленщині палят ся уж от долшого часу лісы и торфовиска на великом пространстві. Таки пожары єст барз трудно загасити. Коло села Голубси Куницы спалило ся 68 гектаров ліса.

**Страшна смерть сухотника:** Перед парода днями, в лісі положеном коло дороги, ведучой с Вильна до Лиды найдено скелет лежачий на згнилом кожуху, а коло него дві порожны фляшкы от горілки.

Слідство выказало, же был то скелет 25-літнього Виктора Мального с села Данишкы, котрый был доведений своим хворотом до того, же хотіл покончити самоубийством. В початках квітня продал Мальный якисы предметы, купил 2 фляшкы горілки и в темну ноч вышол с хаты. В лісі упил ся и заснул, а волочачи ся по лісі волкы занюхали єго присутность и пожерли єго.

В НЕДІЛЮ, ДНЯ 6. ВЕРЕСНЯ 1936.

о год. 2-гой по полудни

— уряджат —

читальня им. М. Качковского в Милику новосандецкого повіта

**Талергофске свято,**

на котре запрашат всіх тых, кому дорога память народных мучеников світовой войны.

Выділ Читальні.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ  
ОТНУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

зааскурує ся

в асекураційном Товаристві

ВИТА И КРАКОВСКЕ  
во ЛЬВОВІ

Асекурацію принимают на цілой Лемковщині  
представителі: гг. Осиф Яновицький — Крыница-Село и Михаил Перелом — Сянок.